

# Raja Melayu, orang kenamaan tulis buku kisah hidup Bapa Kemerdekaan

UM-1/8/2007.

Oleh MUHD. FERZALFIE  
MOHD. FAUZI

KUALA LUMPUR 31 Julai - Yang Dipertuan Besar Negeri Sembilan, Tuanku Jaafar Ibnu Almarhum Tuanku Abdul Rahman adalah antara orang kenamaan yang terlibat dalam penulisan buku mengenai sejarah hidup Bapa Kemerdekaan, Almarhum Tunku Abdul Rahman Putra Al-Haj.

Buku itu yang diterbitkan khas oleh Arkib Negara sempena ulang tahun kemerdekaan negara yang ke-50 juga menyiarkan koleksi artikel mengenai Perdana Menteri pertama Malaysia itu yang disumbangkan oleh Ketua Menteri Sarawak, Tan Sri Abdul Taib Mahmud.

Tunku Rozani Tunku Ahmad Nerang, cucu Almarhum Tunku, turut menulis dalam buku berjudul *Prince Among Men: Recollections and Reflections On Tunku Abdul Rahman Putra* yang memaparkan kehidupan datuknya.

Buku yang mengenang kembali sejarah hidup Tunku Abdul Rahman itu merupakan kompilasi kenangan dan imbasan 52 orang rakan, penyanjung-penyanjung dan ahli-ahli keluarganya.

Majlis pelancaran buku itu disempurnakan oleh Raja Perlis, Tuanku Syed Sirajuddin Syed Putra Jamalullail di Carcosa Sri Negara di sini hari ini.

Selain Yang Dipertuan Besar Negeri Sembilan, artikel-artikel menarik mengenai Tunku Abdul Rahman dalam buku itu turut disumbangkan oleh golongan pembesar dan orang kenamaan seperti Raja Perempuan Besar Perlis, Tengku Budriah Almarhum Tengku Ismail; bekas Ketua Hakim Negara, Allahyarham



**SIMBOLIK...** Tuanku Syed Sirajuddin Syed Putra Jamalullail menerima buku *Prince Among Men: Recollections and Reflections On Tunku Abdul Rahman* daripada Rais Yatim (kiri) selepas pelancaran buku itu di Kuala Lumpur, semalam. Buku itu berharga RM180 sebuah.

Tun Mohamed Suffian Hashim dan bekas Menteri Kabinet, Allahyarham Tan Sri Khir Johari.

Antara tokoh kenamaan lain yang menyumbangkan pengalaman mereka berinteraksi dengan Tunku Abdul Rahman ialah Tun Musa Hitam, Tengku Razaleigh Hamzah, Chandra Muzaffar, Robert Kuok dan Tun Lim Chong Eu.

Dalam tulisan masing-masing, kebanyakan mereka tidak dapat melupakan sifat berjiwa rakyat dan penyayang Tunku Abdul Rahman.

Kerja-kerja penulisan buku setebal 493 halaman itu telah dimulakan pada tahun 2005.

Hadir sama pada majlis pelancaran buku itu ialah anak Tunku Abdul Rahman, Tunku Ahmad Nerang dan penyunting buku itu, Prabhakaran S. Nair.

Majlis itu diserikan juga dengan kehadiran cicit perempuan Tunku Abdul Rahman yang juga anak kepada komposer terkenal Datuk Wah Idris dan isterinya Sharifah Manjalara. Sharifah Manjalara ialah salah seorang cucu Bapa Kemerdekaan.

Sementara itu, Menteri Kebudayaan, Kesenian dan Warisan, Datuk Seri Dr. Rais Yatim menegaskan kementeriaannya akan bekerjasama dengan Arkib Negara dan Perpustakaan Negara Malaysia dalam menghasilkan buku-buku sejarah yang berkualiti.

Menurut Rais, penyelidikan yang lebih mendalam mengenai sejarah negara akan dilakukan oleh kedua-dua institusi milik kerajaan itu dari masa ke masa.

"Dengan kerjasama itu, kita tidak akan berasa malu apabila buku-buku ilmiah sejarah dija-

dikan sebagai cenderahati kepada para pelawat antarabangsa ekoran kandungannya yang berkualiti," katanya.

Rais berkata, sempena dengan sambutan ulang tahun kemerdekaan yang ke-50, beberapa buah buku berkualiti yang bertema kemerdekaan akan diterbitkan sepanjang bulan Ogos.

Katanya, buku-buku yang bertema kemerdekaan seumpama itu diterbitkan dengan tujuan untuk mengimbuai kembali pahit getir hidup para pejuang kemerdekaan.